



奇姓通



奇姓通

宛
藏板

藏書

藏書

奇姓通序

藏書

古無姓賜姓者姓唐

之稱百猶寡也代而

降宗系漸繁祖福之

奇姓通

序
相禪也本支之相家也
無之姓者矣然國有牒
家有世德有濟美而
望姓重焉秦漢而下

或親而取之或亂而
更之或卷而冒之則
姓其姓石姓其姓又
矣辨與竊謂人之有

姓猶物之命名族以
辨異望以辨族云耳
夫無姓則姓重人有
姓則望姓重無之姓則

姓輕不姓其姓則望
姓亦輕望亦勢使
然也鄭樵之志在氏
舊派有三自夷之亂

序
華溢而七矣將安所
取衰引威者欲譖之
為揆也素為部黃門
者多為秋將軍者少

唐知其非妄乎且姓
亦何望之有君子小人
澤刺五世祖功宗德
抑何有于不可知之

序
大而宗廟祫祫因通
相為化者也姓如何望
之有吾讀高姓通感
焉纂是書為江陰夏

茂卿氏茂卿博奧
甚似子雲而修行過
之芳佐鬼陵數式其
廬今畫自下杜思編

示余且曰用脩元美
皆當梁楫於此未有
成帙吾取經傳鈔通
見者計若干卷夫姓

之音者尚繁如是而
况其常焉者乎余竊
之曰卸有孫姓者欲
子張之齋乃刻偽碑

瘞村傍間穿濼甚地
陷碑出說曰吾祖古
顛為孫強子張氏之
裔也因白于上人塔

笑之是墮者能以甚
姓之他人之子孫矣曲
阜有臧氏六大族名
之裔也其後配之更

而為子孫遂絕氣第仕至
九列是不賢者不能
以其姓之已之子孫矣
君之通奇姓也示姓

之不可以望求也乃
新并不欲以姓求之

陔西王命新書



奇姓通小引

曩余讀書山中輒取姓若名
不經見者隨筆彙集題曰
姓名錄友人趙凡夫見而曰
夫今之所異者皆之所不異也春

秋以前稱姓或以國或以族或以父字五胡雲擾浩若星繁與其異以姓以名者存之則曷足以行若言異者存之余淺其言因棄去不存顧獨時之往來曾

中而今觀夏茂卿先生所纂奇姓通則不覺樂然自失矣先生之志奇姓也并與其行多言三奇者均志之故遂成宇宙間一大奇書大都著書者非博弗

能周非裁布能新非敘布能
富而如此等書為尤甚循覽未
遍絳漏滋多收採或偏取材新
隘夏先生史才也又饒仙趣生
平著撰往往有出塵雜俗之致

復能談禪善名理以故宏深奧
衍恢偉浩瀚而一軌於正如詞
林海錯玉麟女鏡與茲古今奇
姓諸書鴻藻清裁亦已槩見
矣先生以孝為著母遂謝公

車優游著述蕭然物外江南
名士稱襟領焉方今失局需
人如先生者不使攷綜故實潤
色

皇猷而獨著栖真法喜於密林

深山斯非

熙朝一缺事乎然著述萬言日
新家有先生固足以自豪矣抑
傳有之能夏則大於時為夏百
昌叢榮於義為亨嘉會合禮

以茂卿材合茂卿姓姓所同也
符契非偶則可不語大奇矣哉
癸亥午日

竺塢山樵友弟文震孟書于

葑園之清瑤嶼



奇姓通序

漢潁川太守聃氏有萬姓
譜嘉祐中雁門邵思撰千
姓編至

國朝成都楊用修始著希

姓分韻類音按奇撮異好事者造之矜之帳中頃澄江夏茂卿乃有奇姓通為卷凡十有四其以韻別者亦似衍成都然廣至十

卷而複姓另列者更四卷源少典伊耆迄於當代祖經史傳記浸及百家志其人則舉其言與其事之可述而可喜者為

之選義以錯綺摘簡而
取妍賅而坐斂贍而有則
不減左丘公穀諸編讀
之者得異姓因得異人
且得異書懿哉洵姓苑

之授神氏林之博物也蓋
吾聞之古者天子賜姓名
氏諸侯命族良稱鉅典
黃帝之子二十五人而得姓
者止十有三姬者二酉祁

已滕臧任荀釐媯嬖衣者
十一其餘皆德薄不足錄
至如伊祁後有劉范姚
後有虞陳夏如商子周
姬而後有扈男斟尋褒

費杞繒辛宜來宋沈閻
韓應其類紛錯不可彈
紀蓋漸衍則漸分如岷
山有江嶠冢有漾沔別
支殊而派之中復有派

支之外復有支矣夏夏書
曰錫土姓言乎權在上稟
一尊也有錫即有析之斯
衆之斯異載觀古今或為
臚宗望衣罔或為畸客單

門或以生里食采之各因
或以避諱徙遷之多故甚
而碎戟之爭帶鈴之誚
又甚而山警學彼藉俞覲占
夔之屬俗音方語無從攷

據今得茂卿此編可以類
族辨物為奇姓董狐矣
茂卿素心淵學負奇才
多握鉛槧識奇字所
著述甚富茲帙其一斑

云

友弟周延儒撰



奇姓通序

古者吹律而受姓則有天地之元音
元音一暢五音十二律遞相為宮姓
之推變也亦多矣而世之拘儒覲覲
然侈吹萬之不同即用修元美所收



奇姓不過數則而止此不為白蹟所
咲耶余友夏茂卿以胷中二酉旁摻
廣攬得耳目所未嘗有勒成十四卷
羽陵之蠹玉篲之截無弗繙閱累如
春山璠璣閃閃光怪令楊王二公見

之當駭為九瀛以外不啻河漢矣何
余之幸而寓目也因憶余與茂卿同
上南宮棘闈中星月熒熒乍談而知
為博物君子迨余作荆溪散吏時茂
卿捷戶著書不屑為臨邛重客或從

友人得其所刻一二種若枝斯寸寸
而已不意迺於白下浪遊忽覩此奇
編所云如獲真珠船幾是矣獨怪
國家右文天祿石渠間所度何許人
而厯茂卿一片席耶且侍芝平慮之

即可車載而與雅髦士玄纁尚遲亦
足嘅已嗟乎平津曲學猶以晚出綿
竹之賦子雲所為文似今奇姓通且
布之通都大邑倘
講幄餘暇有此人同時之歎則申轅

之輪行

召君矣茂卿無曰將盥吾耳於楊子

之波也余且為若擺指

清漳友弟陳翼飛書於椀葉渡



奇姓通序

昔者聖王因生而賜姓類族

辨物以厚教之以崇恩愛以遠

氣歟以別昏姻豈不詳乎

夫或兩昌之多守其奇也奇則

古乎人之所不經見者也古之論
姓志以古以國以謚次則以受之
名之字凡在通姓之略而古至
有以方言為氏以戰功為氏以罪
人為氏以避難為嫌為氏以一輩一

時有所徵觸而為氏而姓始倣詭
變幻閃爾支離之究詰矣
而匪今伊始也王老地典姓始錫
於新皇角一旗蟲豸遠姓改姓
於漢代各侯以龍衣謚賜象穰

王以悼姬錫痛周友以觴以命
酒江者以傳名稱榮京房推律
而知袁陵撰著而乃一夕怪歎
不寧惟是田子秋未少存出入省
中少子遂以存為氏中子撰子

相晉康侯投壺而生子遂以
投壺氏趙悼公以冬日可愛遂
以冬日氏淑子之り遊而入周也
白馬遭如遂名曰馬氏甚至三
飯繚堂為而子三飯氏又曰在

惴惴六經之甚故不有譜牒以
昭太初又向本支之足按昭穆之
足循也余叔楊困脩帝一姓一
書少所見多而恆以為得未曾
有而上自黃虞下迄昭代尚後

寥寥之暇日考之如探星漢之躔
紀如涉河源而決其流愈往而愈
公之窮遂彙編列若干卷寧
誰以姓標考之多聞捷即在
人忠孝節義道德文章成諸

行車或鴻或燕庸名高鉞
鏤或瑾瑜芳潔迹抗烟蘿
揆之以揚風烈示勸也多則在篇
累牘百千第以久而休少則書
地只人僅為隻字示覈也

部落旗表夷姓繁夥以年
夷之必不敵篡入至有在位為
為王家世子亦所亟收示大一統也
古者觀之不惟可以約省曉資
下談一經一緯人紀人綱庶幾

有漢於名教矣嗚呼姓亦常
族由人邁若為族王今為懸錄
若也為兔也也折氣可為擊
若而三歎矣諺曰三白厥初生民
時惟姜嫄而生也又曰志誠可

願無忝尔生矣自初也是有張
祿竄名於世蜚聲於六國
運形易姓梁鴻紀氏於子歎又
夫有以自振姓以有人名惡家
湮滅弗耀於而又何奇姓

之是云

冰蓮名入夏樹芳課



奇姓通卷一 上平

東不訾

鴻駟騅

戎賜

弓林

衆仲

叢蘭

功景

蟲達

雄陶

樅公

紅侯

公哲哀

茂律

全寅

蓬球

終古

充虞

衷愉

風胡

逢丑父

豐舒

農益

种拂

馮蔑

隆英

攻生單

冲敬

中期

桐君

宮他

恭播

從龍

佟萬

雍無逸

供仲序

容成

冬壽

共華

松贊

庸莠

印疏

儂奭

降銘

逢萌

雙漸

邦嚴

蜀闖

菑莊

夷逸

倚頓

被衣

提彌明

騅歛

裨惠

僖負羈

夔靖叔

睂間尺

箕澹

其石

葵方直

移良

師經

茨充

頤頰

脂習

砥鼃

儀長孺

旗光

義和

之馬宇

麋竺

邳彤

遲超

丕鄭

締宗周

彌遜

耆域

斯離

馳九垓

危翁

睢世雄

幾瑟

盱夷

矜跖

宜桂可

離婁

眭夸

篩成之

訾祐

釐豔

元度

綦崇禮

尼養德

嬖仲仁

池仲魚

甲整

奇如通 卷一
遺失餘

岐靈岳

皮容

尸佼

隋昱

媯皓

狝韋

非調

希績

奇景中

賁赫

飢恬

肥義

飛瀑

廬俗

居般

胥偃

漁仲修

初暉

挈薄

鉏麇

璩抱朴

餘頤

豫讓

詩朱鳶

邗侯

結末篇

一

一

一

一

一

一

一

奇姓通卷一 上平

江陰夏樹芳茂卿輯
華亭陳繼儒仲醇校

東不訾

升庵集東不訾為舜七友之一。又國朝
有東昇博學能文生四子長思忠成化丙
戌進士多政績次思誠弘治辛丑進士官

奇如通卷一
吏部赫然有聲於時。次思恭。弘治癸丑進士。掌兵科給事。爲一時諫垣儀表。關中稱東氏王。林鳳羣。世希有焉。

鴻駟騮

左傳有鴻駟騮。宋國人。又漢有鴻安。成都人。與嚴君平友善。作君平誄云。無營無欲。澹然淵清。

戎賜

漢書。戎賜封柳丘齊侯。以連敖從起薛。以三隊將入漢定三秦。以都尉破項籍軍爲將軍。侯八千戶。又唐有戎昱。至德間進士。嘗著元戎出塞詩。京兆尹李鸞欲妻以女。命改姓戎。拒之。

弓林

漢安陵人。與方望立孺子嬰。又唐狀元弓嗣業。

衆仲

左傳。隱公問於衆仲曰。衛州吁弑其成乎。對曰。臣聞以德和民。不聞以亂以亂。猶治絲而棼之也。夫州吁阻兵而安忍。阻兵無衆。安忍無親。衆叛親離。難以濟矣。夫兵猶火。

也。弗戢將自焚也。夫州吁弑其君而虐用其民。於是乎不務令德而欲以亂成。必不免矣。

叢蘭

字廷秀。山東文登人。弘治庚戌進士。除戶科給事中。遇事必言。有言必盡。會災異陳言。論中官汪直之貪殘。侍郎林鳳之污黷。

奇如通 卷一
太常崔志端之紊亂中官何文鼎以直言得臯。又嘗合臺諫救之。至於忤旨下獄。而志未嘗少挫。武宗朝。逆濠變起。公率兵禦之。擒其黨百數。方其南巡。至境上。見公。猶記公前任總制時。過桑乾。墮水事。屢形顧問。逆彬數有讒言。竟亦無他。十五年。以六年考滿陞南京工部尚書。年六十

有八。公器度閎偉。才識敏達。所學期經世。而言論足以發之。奉使經營四方。未嘗以艱險避。威名在邊塞。利澤在國家。可謂一代之名卿才大夫矣。又南北朝叢鑄爲滁州刺史。

功景

晉人見風俗通。

蟲達

漢書高祖封曲成侯。初以西城戶將三十
七人從起碭。至霸上爲執金吾。五年爲二
隊將屬周呂侯。入漢定三秦。以都尉破項
籍陣下。侯四千戶。以將軍擊燕代。

雄陶

虞舜七友。又宋有雄飛。睢州人。政和進士。

縱公

史記漢王使御史大夫縱公周苛守滎陽。
縱公與周苛謀曰。反國之王難與守城。乃
共殺魏王豹。楚下滎陽城。生得周苛。項王
謂周苛曰。爲我將。我以公爲上將軍。封三
萬戶。周苛罵曰。若不趣降漢。漢今虜若。若
非漢敵也。項王怒烹周苛。并殺縱公。

紅侯

楚元王後。又曰國朝有紅尚朱。陽曲人。正

統中任鄖西縣丞。

公哲哀

齊人有清操。不仕家臣。孔子賢之。又史記。

公仲連。趙烈侯相國。烈侯嬖歌者。槍石二

人。欲錫之田萬畝。三問而三不與。乃稱疾。

不朝。

莪律

春秋人。官氏志。莪眷氏改為莪氏。

全寅

山西安邑人。少瞽而聰警。學京房氏易。占

斷多奇中。上皇北狩。遣太監裴當問寅。

寅筮得乾之初九。奏曰大吉。庚午中秋還。

奇如通 卷一
駕。後。七。年。復。辟。已。而。悉。如。所。言。錦。衣。指。揮。
盧。忠。誣。告。南。宮。請。卜。於。寅。寅。以。大。義。叱。之。
曰。是。大。凶。兆。忠。大。懼。佯。爲。風。狀。二。事。尤。爲。
人。所。敬。服。

蓬球

字。伯。堅。北。海。人。晉。大。始。中。入。山。得。道。見。西。
陽。雜。俎。

終古

夏。太。史。桀。將。亾。古。卽。南。奔。楚。辭。求。終。古。之。
所。存。兮。又。唐。有。終。郁。杜。詩。有。賀。終。叟。府。郁。
詩。又。宋。有。終。慎。思。苦。志。力。學。友。人。董。儲。薦。
於。朝。不。遇。董。啓。云。魯。箭。高。飛。謂。聊。城。之。必。
下。秦。都。不。害。懷。趙。璧。以。空。歸。

充虞

見孟子。漢有充申。仙人充向之後。

衷愉

寧都人。本衷姓。仕南唐。以慶賀不便。賜姓衷。官至檢校禮部尚書。南唐降宋。去官歸山。國朝衷貞吉。亦以衷賜姓。

風胡

黃帝以風后為侍中。又越絕書。楚王召風

胡鑄劍。遂鑿茨山。洩具溪。取其鐵英作劍三枚。一曰龍淵。二曰泰阿。三曰工布。楚王問之。風胡對曰。欲知龍淵。狀如登山。臨深淵。欲知太阿。觀其鏑。鬼鬼翼翼。如海水之波。欲知工布。鏑從文間起。至脊而止。如珠而不可枉。文若流而不絕。晉鄭聞而求之。不得。與師圍楚。於是王引太阿之劍。登

城而麾之。三軍破敗。士卒迷惑。流血千里。
江水抑揚折。晉鄭之頭畢白。晉獮圍而來
逢。扶風切。與三江逢字二音。史記逢丑父
爲齊良將。忠勇而有謀。

豐舒

左傳。豐舒。赤狄潞子嬰兒之臣也。晉景公

之姊。伯姬潞子夫人也。舒爲政而殺之。傷
潞子目。晉伐之。或曰。豐舒有三雋才。伯宗
曰。狄有五臯。殺舒以嬰兒歸。

農益

平南人。永樂中訓導。

种拂

字應伯。獻帝時爲太常。李傕郭汜之亂。長

安城潰。百官多避兵。拂揮劍而出曰。爲國大臣。不能止戈除暴。致使凶賊兵刃向宮。去欲何之。遂力戰而死。

龔蔑

字然明。鄭大夫。晉叔向如鄭。蔑惡執器堂下。一言而善。叔向曰。必然明也。下執手以。上曰。子少不揚。若無言。幾失子矣。

隆英

利津人。宣德中南宮知縣。敦尚節約。有古循吏風。時有神武二衛指揮持牒至縣。占地下屯。公毅然爭曰。吾縣無隙地。惟吾廳事前地。乃隙耳。此外皆晉民常業。不敢聞命。二使知其廉介。不可犯。遂舍之而去。擢監察御史。

攻生單

漢人。

冲敬

洪武元年為香山縣丞。時狂寇倏至。敬率民兵捍禦。寇去。一縣賴以安堵。竟以勞瘁卒於官。

中期

辨士秦昭料魏將如耳無能。不如苾卯之賢。左右皆曰然。中期撫琴而對曰。公之料天下過矣。

桐君

聖濟總錄。桐君。黃帝時醫師。隋書經籍志。有桐君藥錄三卷。又桐夫。漢川人。宋嘉定進士。

宮他

韓非子周趨謂宮他曰。爲我謂齊王曰。以齊資我於魏。請以魏事王。宮他曰。不可。是示之無魏也。齊王必不資於無魏者。而以怨有魏者。公不如曰。以王之所欲。臣請以魏聽王。齊王必以公爲有魏也。必因公。是公有齊也。因以有齊魏也。又漢有宮崇順。

帝時。上神書百七十卷。又國朝有宮安。官廣東副使。囊橐蕭然。家居十餘年。足迹不及公府。都御史王竑雅重之。

恭播

晉恭播著漢書音義十二卷。漢書注四十卷。

從龍

字雲舉。天順間爲富順知縣。陞知麻哈州。時民俗皆被髮左衽。龍教民織衽加冠。仍聘鄰邑諸生訓子弟以詩書。遂成衣冠禮義之俗。歷任五年。民立生祠祀焉。陞懷慶知府。又宋有從易。知廣州。以清德聞。比還不市南物。所持俸金而已。仁宗嘉之。飛白書清勵二字以賜。

佟萬

南北朝遼東人。以文章知名海內。

雍無逸

唐大曆中。雍無逸爲龍州別駕。吐蕃入寇。無逸夜泊其城。大破之。封什邡縣男。又國朝雍泰。字世隆。陝西咸寧人。成化間。仕至戶部尚書。由吳縣知縣擢爲監察御史。

舊令行。皆饋樓船。公不受。吳人歌曰。時苗
畱犢。雍公返舟。巡鹽兩淮。淮竈丁貧而鰥
者幾二千人。比及二年。俱與完室。旣去。淮
人詠曰。客邊歸橐。渾無硯。海上遺民。盡有
家。又曰。了却四千兒女願。春風解纜去朝
天。公有敢死之節。克亂之才。後忤瑾。令致
仕。

供仲序

廣東南海人。洪武中。湖廣攸縣二尹。

容成

黃帝臣。漢書。容成著陰道二十六卷。又
國朝有容師偃。香山人。自幼性孝。正德丁
丑。寇徧香山。師偃竊父而逃。被執。賊欲殺
其父。師偃請以身代父。遂歿。

冬壽

南北朝燕左司馬。國朝有冬青。宣德中
清河訓導。

共華

晉惠公時。平鄭之。自秦反也。聞里克死。見
共華曰。可以入乎。共華曰。二三子皆在外
而不及子。使於秦可乎哉。平鄭入。君殺之。

共賜謂共華曰。子行乎。其及也。共華曰。夫
子之入。吾謀也。將待也。孰知之。知而背之。
不信。謀而困人。不知困而不死。無勇。任大
惡。二行將安入。子其行矣。我姑待死。

松贊

北海松贊。性剛烈。重名義。大業末。有賊楊
厚擁徒作亂。來攻北海。贊從郡兵討之。輕

騎覘賊爲厚所獲。厚令贇謂城中云。郡兵已破。宜早歸降。贇僞許之。既至城下。大呼曰。我是松贊覘賊。邂逅被執。非力屈也。賊徒寡弱。旦暮勤翦。不足爲憂。賊以刀築贇口。引之而去。毆擊交下。贇罵厚曰。賊奴何敢致辱賢良。禍自及也。言未卒。賊已斷其腰。城中望之。莫不流涕。銳氣益倍。北海得

完。煬帝以贇亾身殉節。優詔褒揚。贈朝散大夫。

庸芮

秦宣太后病。將歿。出令曰。爲我葬。必以魏子爲殉。魏子患之。庸芮爲魏子說。太后曰。以歿者爲有知乎。太后曰。無知也。曰。若太后之神靈。明知歿者之無知矣。何爲空以

生所愛葬於無知之死人哉。若死者有知。先王積怒之日久矣。太后救過不贍。何暇乃私醜夫乎。太后曰善。乃止。

叩疏

音蚤。周時人見列仙傳。

儂奭

宋儂奭。青州人。元豐登第。又宋反賊儂智

高。載狄青傳。狄武襄之破儂智高也。賊屍有衣金龍衣者。衆謂智高歿。欲上聞。武襄不可。曰。安知非詐耶。寧失智高。不可誣朝廷也。後智高走南詔。被殺。初朝廷未知智高存亡。故久不錄邕州之績。至是乃命加賞將吏。古來名將。不苟微功如此。

降銘

固始人。洪武中永嘉知縣。

逢萌

北海都昌人。家貧爲亭長。時王莽殺其子宇。萌謂友人曰。三綱絕矣。不去。禍將及人。卽挂冠東都城門。浮海客遼東。光武卽位。累徵不起。又宋有逢龍。廣州人。宋末隨文丞相麾下。抗呂師夔。逢龍戰歿之。

雙漸

朱子門人。博學能文。作縣有惠政。

邦巖

南鄭人。宣德間順德通判。

蜀闖

姓苑云。梁四公子。一曰蜀闖。一曰艷杰。一曰越醜。一曰仇啓。其後各以爲姓。蜀音攜。

奇如通卷一
闖音趁。艷音萬。杰音本。越音蜀。醜音湍。仇音掌。啓音親。一作督。

菑莊

漢青州人北海望族

夷逸

人物考。夷氏。逸名。夷詭諸之裔也。族人夷仲辛爲齊大夫。夷射姑爲邾大夫。獨逸隱

居不仕而輕世肆志焉。漢人有夷殺大。

猗頓

漢書。猗頓用鹽。鹽起與王者埒富。又孔叢子。猗頓聞陶朱公富。往而問術。朱公告之曰。子欲速富。當畜五牝。於是乃適西河。大畜於猗氏之南。十年之間。其息不可計。遂以貲雄天下。

被衣

被衣。堯之師。見古今人表。被音披。又吳越春秋有被離。吳大夫。

提彌明

左傳。晉靈公飲趙盾酒。伏甲將攻之。其御提彌明知之。趨登曰。臣侍君。讎過三。爵非禮也。遂扶以下。公嗾夫獒焉。明搏而殺之。

盾曰。棄人用犬。雖猛何為。鬪且出。提彌明死之。史記。提彌明卽示眯明。

騅歛

周時晉大夫。又騅甥。鄧人。

裨惠

晉桓彝長史。蘇峻之亂。惠與彝謀詎之。又左傳。裨竈。鄭大夫。明天文。謂陳五年而復。

奇如通卷一
封。封至五十二年而後亾。

僖負羈

左傳。晉重耳過曹。曹共公聞其駢脅。欲觀其裸。浴薄而觀之。僖負羈之妻曰。吾觀晉公子之從者。皆足以相國。若以相。夫子必反其國。反其國必得志於諸侯。得志於諸侯而誅無禮。曹其首也。於是負羈諫不聽。

乃私善於重耳。後伐曹。虜共公以歸。

夔靖叔

呂覽。孔子學於老聃。孟蘇夔靖叔。

眉間尺

吳越春秋。眉間尺。干將莫邪子也。復父仇。以殺楚王。墓在汝南北宜春縣界。其事極奇。詳載搜神記。國朝有眉旭。洪武間人。

箕澹

晉書。單于猗盧與劉琨并力攻劉聰不能
尅。以爲聰未可滅。留其將箕澹等戍晉陽。
後澹帥盧衆三萬人。馬牛羊十萬悉來歸。
琨石勒攻樂平。太守韓據請救於琨。而琨
欲因銳以威勒。箕澹諫曰。此雖晉人。久在
荒裔。未習恩信。難以法御。今內收鮮卑之

餘穀。外抄殘胡之牛羊。且閉關守險。務農
息士。旣服化感義。然後用之。則功可立也。
琨不從。悉發其衆。命澹領步騎二萬爲前
驅。勒據險要。設伏以擊澹。大敗之。一軍皆
沒。

其石

漢書。其石以中謁者從入漢。以郎中騎從

定諸侯有功。封陽河齊侯。五百戶。功比高湖侯。

蔡方直

宋員外郎。國朝有蔡王。涿州人。弘治中順慶府同知。

移良

漢書。楊震卒。弘農太守移良承樊豐等旨。

遣吏於陝縣。畱停震喪。露棺道側。謫震諸子代郵行書。道路皆爲隕涕。風俗通曰。齊公子雍食采於移。其後氏焉。

師經

春秋。師經鼓琴。魏文侯曰。使我言而無見。違經。援琴而撞文侯。中旒潰之。文侯曰。爲人臣而撞其君者。臯當烹。經曰。臣可一言。

而歿乎。昔堯舜惟恐言而人不違。桀紂惟恐言而違之。臣撞桀紂。非撞吾君也。文侯曰。釋之。是寡人之過也。懸琴以爲寡人符。不補旒以爲寡人戒。

茨充

漢書。光武時爲桂陽太守。教民樹桑蔴。養蠶織屨。章帝元和。中荊州刺史。上言。臣行

部入長沙界。觀者皆徒跣。臣問御佐曰。人無履亦苦之否。對曰。十二月盛寒時。竝多剖裂。血出。燃火燎之。春溫。或膿潰。建武中。太守茨充教之。今江南頗知桑蠶織屨。皆充之化也。

顧斐

隋象川人。與兄炅同學於鄭譯。

脂習

脂元升哭文舉尸。魏武收欲治臯。以其事直見原。後見武帝。武帝字之曰元升。卿故慷慨。魏畧曰。脂習。京兆人。天子西遷。及詣許昌。習常隨從。與少府孔融相善。太祖爲司空。威德日盛。融書疏倨傲。習常責融。及融被誅。許中百官與融素善者。皆莫敢收。

恤習獨撫而哭之。曰。文舉。卿舍我。我當復與誰語者。

蜺鼃

齊大夫。

儀長孺

漢西河人。國朝有儀智。高密人。由教官歷官布政使。尋以龔忠薦。召爲禮部右侍。

郎。遇事務別是非。不少附會。上命吏部
翰林院簡求老儒授皇太孫經。咸以智
薦。上喜曰。得之矣。智侍皇太孫數年。
啓迪匡佑。克盡其誠。沒諡文簡。子銘舉經
明行修。仕至兵部尚書。諡忠襄。

旗光

漢九江太守。

羲和

路史。黃帝命羲和占日。侑珥旺。適纓紐苞
負關。啓亡浮。尚儀占月。繩九道之側。逆糾
五精之留疾。

之馬宇

漢人。國朝洪武中有之輔。秦州教諭。

麋竺

字子仲。胸人。世貨殖家。貲巨萬。呂布襲下邳。虜先主妻。困置日甚。竺進妹爲夫人。奴客二十。金銀貨幣以給軍貲。賴以復振。後益州平。拜安漢將軍。

邳彤

奚仲自薛封邳。子孫因以爲氏。漢邳彤。信都人。歸光武。拜太守。信都反者。捕繫其父。兄妻子。使爲手書招彤。彤曰。事君者不顧家。以功封靈壽侯。圖彤雲臺。

遲超

晉湘東太守。

丕鄭

荀息欲輔奚齊。鄭曰。事君從其義。不阿其惑。非里克之中立。爲惠公如秦。謝緩賂。且

奇如通卷一
謀除呂甥卻蒞。遂爲卻蒞所殺。不與不同。

絺宗周

字子時。漢人。靈帝時爲黃門令。杜預云。野王西南有絺城。

彌遜

徽宗時。彌遜知冀州。金人犯河朔。捐金帛募勇士。邀擊其遊騎。斬獲甚衆。兀朮相戒不敢入境。

不敢入境。

耆域

周時天竺人。善呪水。

斯離

史記秦尉斯離與三晉伐齊。又三國志斯離東陽人。吳赤烏間。父偉爲廷尉。失儀當斬。斯離叩頭泣血。請以身代。吳王嘉其孝。赦

奇如述 卷一
偉臯仍表其廬。

馳九垓

仁壽人。成化中薦賢書。

危翁一

宋危翁一。光澤人。家貧業樵。靖康中聞徽
欽二帝北行。哭三日。骨立而死。寄庵李炳
以詩弔之云。南鄉老人危翁一。歲晏雨晴

扶杖出。驚聞二聖塵。再蒙歸闔柴門哭。三
日。眼空愁絕聲遂止。里人唁翁翁歿矣。凜
然生氣申包胥。萬古千秋葬忠義。又宋有
危稹。號驪塘。國朝有危素。

睢世雄

圖繪寶鑑。睢世雄。宋人。澹墨離澁。工魚水
畫。又國朝有睢稼。洪武中御史。請建卧

碑者。

韓大夫。

盱夷

國策齊魏約而合楚以董慶為質於齊楚攻齊大敗之而魏弗救田嬰怒將殺董慶盱夷謂田嬰曰楚攻齊大敗之而不敢深

入者以魏為將內之於齊而擊其後今殺董慶是示楚無魏也魏怒合於楚齊必危矣不如舍董慶以善魏而疑之於楚也又盱烈豫章人事許遜得仙元康中上升見集仙傳

郗跖

漢書郗跖封荻侯以門尉前元年初起碭

奇如通卷
至霸上爲定武君。入漢還定三秦。爲都尉擊項羽有功。封侯。彤如之切。宋大夫守彤門。故以爲氏。

宜桂可

湘潭人。號可山。博通經史。名在劉須溪趙青山之間。

離婁

離。中庶子。離常之後。離婁見孟子。漢有離班。

眭夸

魏書。眭夸少有大度。不拘小節。好飲酒。與崔浩相友善。浩爲司徒。奏徵爲中郎。辭疾不赴。曰。桃簡。卿已爲司徒。何足以此勞國士乎。桃簡。浩小名也。及浩誅夸。爲素服。經

時乃止。歎曰：崔公死，誰能更容眚夸。

篩成之。

宋政和進士。

訾祐

國策：范宣子與蘇大夫爭田，久而無成。叔向聞之，見宣子曰：「聞子與蘇未寧，徧問諸大夫，又無決。盍訪之訾祐。」訾祐實直而博。

直能端辨之，博能上下比之。且吾子之家老也，吾聞國家有大事，必順於典刑而訪之於耆老，而後行之。宣子問於訾祐，訾祐對曰：「昔隰叔子違周難於晉國，生子輿爲理，以正於朝，朝無奸官，爲司空以正於國，國無敗績。世及武子，佐文襄爲諸侯，諸侯無二心，及爲卿以輔成景，軍無敗政，及爲

成師居太傅端刑法輯訓典國無姦民是以受隨范及文子成晉荆之盟豐兄弟之子之功而饗其祿位既無事矣而非蘇於是加寵將何治爲宣子說乃益蘇田而與之和又漢訾順以捕得反者樊竝封樓虛侯。

釐豔

南北朝人見氏族志。

元度

字憲孟宋人四川漕使家多書史又唐有元元實爲左軍副使。

綦崇禮

宋高密人累官翰林學士從高宗南渡詔

奇始通卷一
令悉出其手。凡一詔下。讀者輒低回感動。所著有崇禮文集。又綦紹。衡山人。永樂舉人。又綦沖。慈利人。正統中大庾知縣。

尼養德

益都人。洪武中爲洛陽教諭。倡明理學。文教聿新。

嬭仲仁

通志。漢有嬭仲仁。淮王相。

池仲魚

池子華秦相。見蔡邕文集。又漢有池仲魚。爲魏城門候。城門失火。仲魚被焚死。遂有城門失火。殃及池魚之諺。出韻府。

甲整

漢鴈門人。太傅掾。蔡邕作胡廣碑載之。見

風俗通。

遺失餘

遺音惟見急就章。遺氏本魯季氏家臣。南遺之後也。

岐靈岳

段秀實將吏。又元有岐裕齋。鮮州人。逸其名。胡元御世。隱居不仕。以學行鳴於時。人

稱為裕齋先生。嘗於所居西南。建孔顏燕居堂。歲時率鄉人修祀事。習禮儀。敘鄉飲。少長之節。孫祖訓。洪武中舉賢良方正。歷官右都御史。

皮容

儒林傳。皮容。瑯琊人。受蒲昌齊詩。又皮日休。唐翰林學士。黃巢入長安。與孟浩然俱

隱鹿門山。

尸佼

秦相商君之客。商君誅。乃亾入蜀。作書二十篇。十九篇陳道德仁義。一篇言九州險阻。

隋昱

五原人。光武初起兵。後受降。拜五原太守。

鐫胡侯。洪武中。隋贊官知府。有異政。

媯皓

漢尚書郎。有才略。明達國典。竇武薦於朝。又後漢有媯覽。見文士傳。

狝韋

莊子。仲尼問於太史大弢。伯常蹇。狝韋曰。衛靈公飲酒湛樂。不聽國政。田獵畢弋。不

奇如通卷一
應諸侯。其所以爲靈公者何。太弢曰。是因是也。伯常蹇曰。靈公有妻三人。同濫而浴。史鮪奉御而進。所搏幣而扶翼。其慢若彼之甚也。見賢人若此。其肅也。是所以爲靈公也。豨韋曰。靈公歿。卜葬於故墓。不吉。卜葬於沙丘。而吉。掘之數仞。得石槨焉。洗而視之。有銘焉。曰。不馮其子。靈公奪而埋之。

夫靈公之爲靈也久矣。

非調

漢光祿大夫非調。又周有非子。見風俗通。

希績

宋希績。字紀常。神宗元豐間。爲淮南發運副使。行已有堅操。坐元祐黨。又宋有進士希習。南充人。

奇景中

零陵人。洪武舉人。今開封多此姓。

賁赫

賁音肥。漢功臣。以告淮南王英布反。封期思侯。見英布傳。又賁麗。成帝時。熒惑守心。丞相翟方進憂。不知所出。有郎賁麗善占星。言大臣宜當之。上召見方進。令審處。方

進卽日自殺。

飢恬

殷人七族有飢氏。漢飢恬。滇昌大豪。

肥義

趙惠文王三年。主父封長子章爲代安陽君。章素侈心。不服其弟。主父又使田不禮相章也。李兌謂肥義曰。公子章強壯而志

奇如通 卷一
大田不禮之爲人也。忍殺而驕。二人相得
必有謀。陰賊起。子奚不稱疾。母出。傳政於
公子成。母爲怨府。母爲禍梯。肥義曰不可。
昔者主父以王屬義也。曰母變而度。母異
而慮。堅守一心。以沒而世。義再拜受命而
籍之。今畏不禮之難。而忘吾籍。變孰大焉。
進受嚴命。退而不全。負孰甚焉。變負之臣。

不容于刑。諺曰。死者復生。生者不媿。吾言
已在前矣。吾欲全吾言。安得全吾身。且夫
貞臣也。難至而節見。忠臣也。累至而行明。
有語在前。終不敢失。李兌曰諾。子勉之。涕
泣而出。四年。主父乃出游沙丘異宮。公子
章卽以其徒與田不禮作亂。詐以主父令
召王。肥義先入。殺之。公子成與李兌起四

邑之兵入距難。殺公子章及田不禮。滅其黨賊而定王室。又漢有肥親。爲袁安仁恕掾。袁安使親往中牟。廉魯恭之政。具狀報魯恭之賢。恭遂馳名。

飛瀑

商紂之臣有飛廉。列子有飛衛。宋有飛英。本朝有飛瀑。城固人。永樂中戶部郎。

廬俗

字君孝。漢八年封鄢陽男。印曰廬君。兄弟七人皆好道術。遂寓於洞庭之山。故世謂廬山。見豫章舊志。國朝有廬坦。爲南城知縣。有聲。

居般

漢居般爲來城侯。居翁爲湘城侯。

胥偃

宋胥偃字安道。少力學。舉進士。累遷翰林學士。家有食田數十頃。既貴。悉分散與族人。歐陽修愛其文。以女妻之。子元衡字平叔。有學行。累官尚書都官員外郎。并其子茂。謀俱早卒。偃妻直史館。乃約之妹。與元衡婦韓。茂。謀婦謝。二世皆寡居。閨門有法。

淮人至今稱之。

漁仲修

宋元豐元年。以宣德來尹慶都。發奸摘伏。勸課農桑。人多德之。

初暉

一統志。初暉。萊州人。第進士。官集賢院。母喪廬墓側。衰麻。疏食者凡六年。有白鳥白

奇如通卷一
兔馴擾其廬。又國朝初杲字啓昭正德中監察御史會議大禮同百官赴文華門哭聲徹內廷杖幾歿僉壬側目是歲冬奉旨巡視山西河東等處鹽法。鹺政大舉商民便之。

挈薄

音如衛人見戰國策

鉏麇

晉之力士靈公不君趙宣子驟諫公患之使鉏麇賊殺之晨往寢門闢矣盛服將朝尚蚤坐而假寐麇退而歎曰賊民之主不忠棄君之命不信有一於此不如死也乃觸槐而死。

瓌抱朴

唐進士璩抱朴。又有璩瑗。封西川侯。

餘顧

晉人著複姓論。唐有餘文仲論風氣。武后使著書。

豫讓

趙襄子滅智伯。漆其頭以爲飲器。豫讓逃山中。曰嗟乎。士爲知己者。死。女爲悅已

者。容。今智伯知我。我必爲報讐。而歿以報智伯。乃變姓名爲刑人。入宮塗廁中。挾匕首。欲以刺襄子。襄子如廁。心動。執問塗廁之刑人。則豫讓。內持刀兵。曰欲爲智伯報仇。左右欲誅之。襄子曰。彼義人也。吾謹避之耳。且智伯。亾無後。而其臣欲爲報仇。此天下之賢人也。卒釋去之。豫讓又漆身爲

厲吞炭爲啞使形狀不可知行乞於市其妻不識也行見其友其友識之爲之泣曰以子之才委質而臣事襄子襄子必近幸子近幸子乃爲所欲爲顧不易耶乃殘身苦形欲以求報不亦難乎豫讓笑而應之曰是爲先知報後知爲故君賊新君大亂君臣之義者無此矣吾所謂爲此者以明

君臣之義非從易也且夫旣已委質臣事人而求殺之是懷二心以事其君也且吾所爲者極難耳然所以爲此者將以媿天下後世之爲人臣懷二心以事其君者也頃之襄子當出豫讓伏於所當過之橋下襄子至橋馬驚襄子曰此必豫讓使人問之果豫讓也於是襄子乃數豫讓曰子不

嘗事范中行氏乎。智伯盡滅之，而子不爲報仇，而反委質臣於智伯。智伯亦已歿矣，而子獨何以爲之報仇之深也。豫讓曰：臣事范中行氏，范中行氏皆衆人遇我，我故衆人報之。至於智伯國士遇我，我故國士報之。襄子喟然歎息而泣曰：嗟乎！豫子，子之爲智伯，名旣成矣，而寡人赦子，亦已足矣。

子其自爲計。寡人不復釋子。豫讓曰：前君已寬赦臣，天下莫不稱君之賢。今日之事，臣固伏誅，然願請君之衣而擊之，焉以示報讐之意。則雖歿，不恨也。於是襄子大義之，乃使使持衣與豫讓。豫讓拔劍三躍，呼天而擊之，曰：吾可以下報智伯矣。遂仗劍自殺。歿之日，趙國志士聞之，皆爲涕泣。

奇姓通卷一
豫平聲音舒。

和天詩朱鳶。

後漢徵側夫詩朱鳶。

示結邪侯。

漢上谷太守。

奇姓通卷一終

奇姓通卷二
上平

如耳

魚豢

沮誦

書永琇

間德興

無澤

微彪

匙廣

宋衷

渠伯糾

踈源

鮭湛雲

巫捷

呼子先

輸子陽

與駢

敷季雅

徒父

紆邈

烏枝鳴

吁嬰

區寄

梭氏

糜信

蒲壽晟

及新

諸御已

扶同

駒幾

吾粲

蕪恕

涂禎

俱起延

旅罷師

梯儁

雞鳴時

塗曉

母照

壺充國

娥永樂

霓濟

辜皋

孟鷹

狐援

犀首

嵐閣

黎醇

邽巽

洼丹

畦覩

鄴魁壘

懷敘

萊章

厓成

杯承寵

枚被

槐廣

隗相

纍虎

來歛

台寬

臺亨

回謙

哀謙

闕紀

靄被

哈左

才寬

開趙

顏當

臣悅

茵改

塵洪

神曜

春居

芬質

鄆子士

鈞喜

郇謨

淳坤

紛疆

懃淵

貝氏

昆辯

賓須無

綸直

銀鏡

閻仁

頻暢

豚少公

闔輿罷

鱗矐

訖梵

云敞

軍延賞

渾釋之

薰成

忻彪

勤戊

轅固

敦洽

奔衍

爰類

根牟子

源湜

盆謚

原憲

屯度

甘霖

恩茂

軒和

棖終古

門克新

賁浦

藍敏

言於

蕃嚮

藩彭祖

蘭宗周

難從黨

駢臂

儋翩

樂布

番係

但巴

冠先

干長

邗子

寬徹

檀道鸞

官鑑

鸞徹

觀射父

黻授

寒朗

管時中

蘭忌

環淵

奇姓通卷二

上平

江陰夏樹芳茂卿輯

華亭陳繼儒仲醇校

如耳

燕八年伐衛。拔列城二。衛君患之。如耳見衛君曰。請罷魏兵。免成陵君。可乎。衛君曰。先生果能。請世世以衛事先生。又漢有如

子禮。見桓譚新論。

微彪

左傳。微彪。晉大夫。又微虎。魯大夫。宋微仲之後。

魚豢

晉人。著魏略。又宋有魚周詢。雍丘人。早孤。好學。舉進士。累官諫議大夫。權御史中丞。

多所建白。時園吏見大蛇垂欄盾。卽視之。乃周詢醉而假寐。世傳其異。

匙廣

蒲城人。嘉靖中貢士。又萬曆間。延綏把總。匙北鑰。蓬萊人。

沮誦

黃帝史臣。爲黃帝作雲書。又漢有沮雋。射

聲校尉李郭之亂。雋被創墮馬。李傕謂左
右曰。尚可活否。雋罵之曰。汝等凶逆。逼迫
天子。亂臣賊子。未有如汝者。傕乃殺之。又
三國有沮授。沮鵠。俱爲歿節之臣。

宋衷

靈帝紀有宋衷。見胡氏易傳。又見李鼎祚
周易集解姓名目。

書永琇

鬱林人。天順間。甌寧主簿。

渠伯糾

春秋。天王使宰渠伯糾來聘。注。渠姓。伯糾
名也。王官之宰。當以才授位。而伯糾攝父
之職。出聘列國。故書名以譏之。又 國朝
有渠仲寧。精通地理。永樂間。文皇召試

奇如通卷一
二五〇廿四、五三
之。用。量。天。尺。度。地。中。物。曰。其。下。有。石。如。虎。
掘。之。果。驗。乃。授。本。科。訓。術。

閻德興

見王僧孺百家語。又晉有閻和。右街伙飛
督。與。孫。秀。謀。誅。賈。后。

踈源

漢時人。字元流。性廉潔。爲尚書郎。習練故

事。爲九卿所重。人有欲通苞苴者。源曰。子
以言污我。從此與君別。不敢更相見矣。

無澤

莊子。無澤與舜爲友。舜以天下讓之。乃自
投清冷之淵。終身不反。又漢有無且戾。太
子舍人。

鮭湛雲

漢國子博士閬州人。

巫捷

漢冀州刺史。國朝巫子秀。家居羅岡。弘治癸亥。賊胡蔭彭錦扇亂。子秀設奇略。斬賊首百五十人。賊圍其家。子秀夫婦被執。賊先殺其婦。示子秀。欲逼之降。子秀厲聲罵曰。歿卽歿耳。肯爲逆狗屈耶。遂被害。裂其尸。

呼子先

漢中關下卜師也。常騎龍上華陰山。見神仙傳。又國朝有呼庭信。宣德中四川叅政。

輸子陽

輸姓。見韻會。淮南子。輸子陽謂其子曰。良

工漸乎矩鑿之中。矩鑿之中。固無物而不
用。聖王以治民。造父以治馬。醫駱以治病。
上意而民載。誠中者也。誠中之人。樂而不
恆。如鶉好聲。如熊好經。春女思。秋士悲。而
知物化矣。號而哭。噉而哀。而知聲動矣。故
聖人栗栗乎其內。而至乎其極矣。

史駢

左傳。賈季奔狄。宣子使史駢送其帑。夷之
蒐。賈季戮史駢。史駢之人欲盡殺賈氏以
報焉。史駢曰。不可。吾聞前志有之。曰。敵惠
敵怨。不在後嗣。忠之道也。夫子禮於賈季。
我以其寵報私怨。無乃不可乎。介人之寵。
非勇也。損怨益仇。非知也。以私害公。非忠
也。釋此三者。何以事夫子。盡具其帑。與其

器用財賄親帥扞之送致諸竟

敷季雅

捷為人洪武中松溪知縣

徒父

秦伯伐晉命卜徒父筮之吉涉河侯車敗
詰之對曰乃大吉也三敗必獲晉君其卦
遇蠱曰千乘三去三去之餘獲其雄狐夫

狐蠱必其君也蠱之貞風也其悔山也歲
公秋矣我落其實而取其材所以克也實
落材凶不敗何待

紆邈

漢始平人肥鄉侯

烏枝鳴

齊大夫見左傳唐有烏重胤少為潞牙將

兼左司馬節度使。盧從史奉詔討賊。陰與賊連。重胤乃縛從史帳下。叱兵士曰。天子有命。違者斬。士斂手。還部無敢動者。憲宗嘉其功。擢河陽節度使。重胤善撫士。其在河陽。名士如溫造、石洪皆辟至帳下。人多稱之。又國朝烏本良。慈溪人。居恒講論經史。喜吟詩。一日得慈湖楊文元公遺書。

及著春秋易解。自謂如坐春風中。弟斯道尤長於詩。宋景濂題曰。斯道之作。俊潔如明月珠。洵湧如春江濤。所著有秋吟稿。春草齋集。行於世。

吁嬰

史記阿之吁子。藝文志有吁子十八篇。注名嬰。齊人。七十子之後。

區寄

唐時越人年十一歲。一豪劫持虛所賣之。童伺一豪睡。取其刃殺之。一豪將殺童。童曰。爲兩郎童。孰若爲一郎童。童又殺一豪。刺史奇之。又唐有區冊。南海人。德宗朝。韓愈爲陽山令。冊往見之。及歸。愈爲文送別。其畧曰。有區生者。誓言相好。自南海拏州

而來。升自賓階。儀觀甚偉。坐與語。文義卓然。如斯人者。豈易得哉。又區革。宣州人。與黃山谷游。山谷贈以青玉案。

浚氏

音詩。左傳。魯大夫施伯。浚氏。姓苑。浚。人。姓。沛人也。

糜信

三國時。糜信爲平樂太守。注春秋穀梁傳
十二卷。說要十二卷。漢議二卷。

蒲壽晟

宋咸淳七年。知蒲州。性儉約。於民一毫無
所取。建曾井。汲水二瓶置左右。人頌曰。曾
氏井。泉千古冽。蒲侯心事一般清。又有蒲
叔獻。舉進士爲成都漕。百姓歌曰。運使姓

蒲。民力乃蘇。召爲宗正卿。韓侂胄用事。遂
辭去。

爰斯

舜臣。又爰基。桐廬仙人。

諸御已

楚莊王築層臺。延壤百里。大臣諫者皆死。
諸御已違楚百里而耕。乃辭其耦耕者而

入諫。楚王遂解層臺而罷民。楚人歌之曰。
薪乎萊乎。無諸御已。訖無子乎。萊乎薪乎。
無諸御已。訖無人乎。今餘姚多此姓。

扶同

越大夫有扶同。漢廷尉有扶嘉。又漢有扶
少明。著道德經譜三卷。又南北朝扶育。於
龍驤二年。育上表申明義康。奏入。卽收廷

尉賜歿。

駒幾

功臣表。駒幾以屬國騎擊匈奴。捕單于兒。
封騏侯。五百二十戶。

吾粲

三國時吾粲。字孔休。爲吳參軍校尉。以舟
師拒魏。綆繼斷絕。爲魏軍所獲。衆皆攀援

號呼。吏士恐船傾沒。皆以戈矛撞擊不受。粲與黃淵獨令船人以承取之。左右以爲船重必敗。粲曰。船敗當俱死耳。人窮奈何。棄之所。全活衆者數百人。國朝有吾紳。字叔縉。永樂間進士。仕至禮部右侍郎。文學政事。爲時所稱。又勝國有吾衍。性簡傲。嘗自比郭忠恕。工隸書小篆。猶工於詩。效

李賀無塵土氣。所著有尚書要略。九歌譜。說文續解等書。

蕪恕

本朝平山人。宣德中任江陰大使。

涂禎

字孟賓。正德中爲監察御史。巡長蘆鹽課。劉瑾欲令割送鹽斤銀兩。禎弗從。瑾大銜。

之後。禎復命俟於朝門。適遇瑾。又不行跪禮。遂捏旨送錦衣衛杖六十。發肅州。永遠充軍。禎傷重。竟死於獄。

俱起延

南涼鎮北將軍。又俱康。唐開元博士。

茲罷師

功臣表。茲罷師以齊將漢王四年。從淮陰

侯起。擊項籍。又攻韓王信於平城。有功。封共嚴侯。

梯儁

魏正始元年。帶方太守弓遵遣建中校尉梯儁等。奉詔書印綬詣倭國。拜假倭王。并齎詔賜金帛錦罽刀鏡采物。

雞鳴時

奇姓通 卷二
正統中雞鳴時。字子信。陝西苑馬寺監正。

塗曉

唐塗曉為江州刺史。時號金聲玉色。又塗定辭。得道者也。居石室。貯五十萬錢。賞廉者。不得一人。

母照

楊升菴外集。母照開元。含象亭。十八學士。

之一。其後孟蜀有母照。多藏經史。號曰蜀本。宋末有母制機。亦名士。

壺充國

史記。武帝遣大鴻臚壺充國副相如使。邛笮西南夷。又壺遂為諫議大夫。韓安國薦於朝。定律曆。

娥永樂

北齊廢帝時。常山王演有異謀。武衛娥永樂。武力絕倫。又被文宣帝重遇。撫刃思效。廢帝性吃訥。兼倉卒不知所言。永樂乃內刀而泣。演遂斬之。

覓濟

福山人。正統中。零都知縣。

辜臯

韶州人。洪武初。知德興縣。宣布號令。招撫流亾。修建學宮。橋梁。民樂趨事。百里之內。雞犬相聞。皆臯力也。

于孟鷹

左傳。于孟鷹。衛人。蒯聵之黨。敵子路。以戈擊之。斷纓。子路曰。君子死。冠不免。結纓而死。又晉有孟丙。

狐援

齊潛王諫臣。又國策有狐卷子。魏文侯問
狐卷子曰。父賢足恃乎。曰不足。子賢足恃
乎。曰不足。兄弟賢足恃乎。曰不足。臣賢足
恃乎。曰不足。文侯勃然作色曰。寡人問此
五者於子。一一以爲不足。何也。曰。父賢不
過堯而丹朱放。子賢不過舜而瞽叟頑。兄

賢不過舜而象傲。弟賢不過周公而管蔡
誅。臣賢不過湯武而桀紂伐。君欲治。從身
始。望人者不至。恃人者不久。

犀首

魏之陰晉人也。嘗相魏。後復相秦。嘗佩五
國之相印。爲約長。國朝有犀希古。獲鹿
人。

人。 嵐閣

嵐。下珪反。五代時梁將。

黎醇

字希聲。治春秋。東坡故人。歐陽公亦喜之。

宋英宗朝為直講。上問蜀士於歐陽修。修

曰。文行蘇洵。經術黎醇。有遠景樓賦。

邽巽

魯人。字子斂。孔子弟子。國朝有邽仲德。

邽音圭。

注丹

漢注丹。字子玉。蒲陽人。世傳孟氏易。徒眾數百人。建武初為博士。歷遷大鴻臚。作易通論七篇。世號注君通。

畦觀

漢人。

鄒魁壘

鄒東海之邑。左傳鄭人俘鄒魁壘。賂之以知政。注鄒魁壘晉士。

懷敘

顧雍傳呂壹為中書典校。詣宮府及州郡文書。漸作威福。遂造作權酷障管利。後姦

臯發露。收繫廷尉。顧雍往斷獄。壹以囚見。雍謂壹曰。君意得無欲有所道。壹叩頭無言。時尚書郎懷敘面詈辱壹。雍責敘曰。官有正法。何至於此。

萊章

左傳晉侯將伐齊。使來乞師。曰。昔臧文仲以楚師伐齊。取穀。宣叔以晉師伐齊。取汶

陽寡君欲徼福於周公。願乞靈於臧氏。臧石帥師會之。取廩丘。軍吏令繕將進。萊章曰。君卑政暴。往歲克敵。今又勝都。天奉多矣。又焉能進。是讒言也。役將班矣。晉師乃還。

厓成

邛州大足人。永樂中任知府。

杯承寵

姓苑杯承寵。宋元豐間知洪州。又漢有杯育。治終始。言黃帝以來三千六百二十九歲。帝世年世多有內簡。見漢書律曆志。

枚被

六國時賢人。漢枚乘爲吳王濞郎中。王有異謀。切諫不納。去而之梁。子枚皋。字少孺。

武帝時爲郎。善賦頌。揚子雲曰。飛書馳檄。則用枚皋。高文典冊。則用相如。

槐廣

唐人見韋蘇州詩。

隗相

漢犍爲人。事母孝。母惡江邊水不潔。必得江心水乃就飲食。相必衝風濤。放舟江心。

汲之。後江中忽湧出一石。舟乃可依。人以爲孝感所致。朝廷徵拜爲郎。

纍虎

纍音縲。黃帝妃西陵氏纍祖。其後遂以爲氏。纍虎。晉大夫。又南北朝纍澄。後趙將。

來歙

光武拜大中大夫。時方以隴蜀爲憂。歙自

請曰。臣嘗與隗囂相遇長安。其人始起。以漢爲名。今陛下聖德隆興。臣願奉威命。開以丹青之信。囂必束手自歸。則述當自亾。不足圖也。帝然之。後攻公孫述。乘勝遂進。蜀人大懼。使刺客刺歙。歙帶刺自書上表曰。臣夜爲賊傷中臣。誠恨奉職不稱。以爲朝廷羞。理國以得賢爲本。大中大夫段襄

骨鯁可任。臣兄弟不肖。終恐被臯書畢。投筆抽刃而絕。帝省覽流涕。贈征羌侯。又國朝有來恭。三原人。由貢士歷官都御史。正色立朝。彈劾不避權貴。有讒恭者。皇祖私幸其第。見夫人紡帛。恭鋤菜。遂誅讒而益重恭。

台寬

北史。遼西郡守。玄孫峯。樂陵公。峯子昂。長沙公。昂弟光。安平侯。

臺亨

宋臺亨。元豐間人。與司馬溫公著問閤之書者五人。亨其一也。又晉有臺彥。治京房氏易。善圖讖秘緯天文河洛之書。隱居商洛南山。又唐人有臺濛。楊行密表薦爲觀

察使。

回謙

巢人。宣德中監察御史。陞慶遠知府。一再

哀謙

字彥先。崇安人。靖康中。耕隱黃洋原。結廬鳴玉泉。有時人不羨田園樂。只羨相如駟馬車之句。又漢有哀仲。善種梨。名哀家梨。

車闕紀

路史闕紀補缺。鳩冶決法。皆黃帝之臣。

雷被

淮南列傳。元朔五年。太子學用劍。自以為人莫及。聞郎中雷被巧。乃召與戲。被一再辭讓。誤中太子。太子怒。被恐。此時有欲從君者。輒詣京師。被即願奮擊匈奴。太子遷

數惡於王。被遂亡。至長安。上書自明。

哈左

弘治中。光州舉人。任平鄉教諭。

才寬

永平志。才寬。字汝栗。遷安人。成化戊戌。進士。歷知西安。淮安二府。多異政。決疑獄如神。巡撫甘肅。以便宜行事。軍法嚴峻。所向

克捷官兵部尚書。正德己巳。虜犯邊。躬爲督戰。因伏兵起。遂遇害。訃聞。加太子少保。謚襄敏。

開趙

宋開趙武功大夫英州刺史。嘗取肝救父。詔曰。開趙昔忠於國。今孝於家。特轉團練副使。

顏當

漢七國反。時顏當爲將軍。遺膠東膠西書曰。奉詔誅不義。降者赦。不降者滅之。王何處。須以從事。

臣悅

唐人撰隋平陳紀。

菌改

呂覽。秦小主。夫人用奄變。羣賢不悅。公子連亡在魏。聞之。欲入。因羣臣與民從鄭所之塞。右主然守塞弗入。公子連去入翟。從焉氏塞。菌改入之。夫人聞之。大駭。公子連至雍。圍夫人。夫人自殺。公子連立。是爲獻公。然右主然而將。重臯之。德菌改而欲厚賞之。監突爭之曰。不可。秦公子之在外者。衆。若此。則人臣爭入亡公子矣。此不便主。獻公以爲然。故復右主然之臯。而賜菌改官大夫。賜守塞者人米二十石。獻公可謂能用賞罰矣。

塵洪

鄆縣人。正德間。沙河教諭。又有塵昂。香山東莘縣人。任贛州經歷。

神曜

後漢人。官騎都尉。又宋神應龍。開寶進士。韶州人。

春居

呂覽。齊宣王爲太室。大益百畝。堂上三百戶。以齊之大。具之三年而未成。羣臣莫敢諫。春居問於宣王曰。荆王釋先王之禮樂。

而樂爲輕。敢問荆國爲有主乎。王曰爲無主。賢臣以千數而莫敢諫。敢問荆國爲有臣乎。王曰爲無臣。今王爲太室。騷動國中。而羣臣無所措口。臣請行矣。遂趨而出。王曰。春子春子。反。何諫寡人之晚也。寡人請今止之。遽召掌書曰。書之。寡人不肖而好爲太室。又洪武中有春生物。春仲和一。

爲垣曲人。一武昌人。

芬質

周時爲魯大夫。

鄆子士

春秋有鄆子士。衛縣大夫。鄆音眷。衛侯自鄆入。遂以爲氏。

鈞喜

漢廷御史。又鈞仲甫。元豐進士。眉山人。

郇謨

唐晉州人。元載盛時。謨以麻總髮。持竹簡葦笥。行哭長安東市。人問之。曰。吾有字三十。欲以獻上。有一字不中。願以笥貯屍席。裹而棄之。代宗召見。賜以衣館內。客省問狀。多譏切載。

淳坤

宋遂寧人。端平進士。

紛彊

國策。樓悟約秦魏。魏太子爲質。紛彊欲敗之。謂太后曰。國與還者也。敗秦而利魏。魏必負之。負秦之日。太子爲糞矣。太后坐王而泣。王因疑於太子。令之留於酸棗。

懃淵

宋懃淵。端平進士。懃玄。元祐進士。俱瀏陽人。國朝懃會。梧州府同知。亦瀏陽人。

貝氏

音殷。左傳。遂人四族有貝氏。亦作因。

昆辯

齊人。師古曰。齊人也。與靖郭君善。見戰國

策。

賓須無

齊大夫。國朝賓禮慶。永樂中永州府推官。公平寬大。訟者至庭下。以禮義諭之。人多感化。獄無繫囚。

綸直

三國志。公孫瓚臣綸直。

銀鏡

山西太原人。正德間進士。初知鷄澤縣。節財減賦。流民復業。學校中彬彬禮讓。薊州寇至。賊望風解退。陞戶部尚書郎。

閻仁

漢廣平人。又國朝有閻敬。登州人。洪武中安吉州知州。

頻暢

漢酒泉太守。見風俗通。

豚少公

漢人。見印數。

闔輿罷

左傳。楚與吳師戰于公婿之谿。吳師大敗。吳子乃歸。囚闔輿罷。闔輿罷請先。遂逃歸。

注。輿罷。楚大夫。言吳惟得楚一大夫。復失之。所以不克。

鱗矐

周時人。鱗矐。宋司徒。鱗朱。宋大夫。

訢梵

漢章帝時人。治曆數。

云敞

漢書云敞字幼孺平陵人師事同縣吳章王莽子宇與章謀夜以血塗莽門若鬼神之戒事發莽殺宇章坐腰斬初章爲當世名儒弟子千餘人皆禁錮門人盡更名他師敞時爲大司徒掾自劾吳章弟子收章尸葬之京師稱焉官至中郎諫大夫

軍延賞

南北朝臨川內史。

渾釋之

平聲。唐蘭州人有才武。世爲本州都督。從朔方軍。屢立戰功。封寧朔郡王。與吐蕃戰。歿。子城。年十一。隨釋之防秋。立跳盪功。勇冠三軍。復從李光弼定河北。又從郭子儀復西京。討安慶緒。官至檢校尚書右僕射。

儒多嫉毀曰。固已老。罷歸之時年已九十餘。公孫弘亦徵。从目事固。固曰。公孫子務正學。以言。毋曲學。以阿世人。皆憚之。先是竇太后好老子書。召問固。固曰。此家人言耳。太后怒曰。安得司空城旦書乎。乃使固入圈擊彘。上知太后怒。而固直言無辜。乃假固利兵。下固刺彘。正中其心。彘應手而倒。太后默然。

敦洽

衛醜人。國朝有敦鐸。滁州人。宣德中保定推官。

奔術

宋咸淳進士。安福人。其先有石敬瑭將奔洪進。

爰類

漢厭次侯。又爰延。字季平。陳留外黃人。爲侍中。桓帝嘗問朕何如主。對曰中主。帝曰何以知之。曰尚書令陳蕃任事則治。中常侍黃門預政則亂。是以知之。帝嘉其言。後拜大鴻臚。

根牟子

周人善著書。

源湜

字仲源。高郵人。洪武初。監察御史。出知辰州。過武昌。有黃鶴樓詩云。武昌城高山勢雄。黃鶴一去危樓空。乾坤二氣開勝境。江漢萬古生清風。雨餘鸚鵡晚霞碧。霜落鳳凰秋樹紅。檻前石刻已陳迹。老仙何處騎

奇如通卷二
飛龍。

盆謚

漢中郎將。

原憲

家語。原憲居魯。環堵之室。茨以蒿萊。上漏下濕。匡坐而絃歌。子貢乘肥馬。中紺而表素。軒不容巷。往見之。原憲楮冠藜杖而應

門。正冠則纓絕。振襟則肘見。納履則踵決。子貢曰。嘻。先生何病也。憲應之曰。無財之謂貧。學而不能行之謂病。憲貧也。非病也。若夫希世而行。比周而友。仁義之匿。車馬之飾。所不忍爲也。乃拽杖拖履。行歌商頌。而反聲滿天地。如出金石。子貢慙。不懌而反。終身恥其言之過也。又左傳有原繁。厲

公入殺傅瑕。使謂原繁曰：傅瑕貳。周有常刑。既伏其辜矣。納我而無貳心者。吾皆許之。上大夫之事。吾願與伯父圖之。且寡人出。伯父無裏言。入。又不念寡人寡人憾焉。對曰：先君桓公命我先人典司宗祏。社稷有主而外其心。其何貳如之。苟主社稷。國內之民。其誰不爲臣。臣無二心。天之制也。

子儀在位十四年矣。而謀召君者庸非貳乎。莊公之子猶有八人。若皆以官爵行賄。勸貳而可以濟事。君其若之。何臣聞命矣。乃縊而歿。

屯度

蜀漢法部尚書

甘霖

懷寧人。洪武中爲監察御史。特立敢言。中
臺倚重之。靖難後被執。持論不屈。從容受
戮。子孫相戒。不復求仕。朝士傷之。

恩茂

南北朝。慕容燕東庠祭酒。

軒和

漢諫議大夫。國朝有軒輓。河南人。永樂

進士。歷官刑部尚書。性廉介。律已嚴毅。有
守。有爲。得大臣之體。

棖終古

漢荀兒侯。斬樓船將軍。又漢有棖溫舒。

門克新

一統志。門克新。秦州人。洪武中爲東州儒
學訓導。秩滿來朝。時天下學官入覲者咸

命侍朝。或試文辭。詢問經史。及民間政事。得失。在列者多應對不稱旨。獨克新敷奏。亮直。上甚重之。擢拜爲左春坊左贊善。未幾陞禮部尚書。

賁浦

賁音奔。魯人。見風俗通。又漢有賁嵩。汝南人。清操之士。

藍敏

漢藍敏著童真記一卷。又藍諸爲中山大夫。宋有藍喬。龍川人。國朝有藍山。藍澗。學詩於杜清碧。有詩集行世。卽墨有藍田。博學爲御史。以諫廢居。

言於

孔子弟子。

蕃嚮

漢末名士錄。魯國蕃嚮。字嘉景。與度尚張邈。王考劉翊。胡母班。秦周王商。爲八厨。時稱海內修整。蕃嘉景。

藩彭祖

漢人。

蘭宗周

唐人撰水氣略三卷。國朝蘭以權。襄陽人。洪武初。以人才選授中書省照磨。因撫安廣西蠻寇。歷陞應天府尹。以端謹稱。難從黨。

南北朝難從黨出鎮河東。號小朝廷。

駢臂

儒林傳。商瞿子木。受易孔子以授魯橋庇。

子庸。子庸受江東駢臂子弓。師古曰駢。姓也。音韓。字子弓。

儋翩

周大夫。又漢有九真太守儋萌。

欒布

漢欒布。梁人也。彭越爲家人時嘗與布游。及越爲梁王。請布爲大夫。越被族誅。高祖

臬彭越頭於雒陽。下詔曰。有敢收視者。輒捕之。布從齊還。奏事。彭越頭下。祠而哭之。吏捕布以聞。上召布罵曰。若與彭越反耶。趣烹之。方提趣湯。布曰。方上之。困於彭城。敗滎陽。成臬間。項王所以遂不能西徙。以彭王居梁地。爲之力爭也。且垓下之會。徵彭王。項氏不亾。今陛下。一徵於梁。彭王病。

奇如通卷二
不行而陛下疑以爲反。反形未見，以苛小案誅滅之。臣恐功臣人人自危也。今彭王已死，臣生不如死。請就烹。上壯其義，乃釋之，拜爲都尉。

番係

漢河東守。言轉漕事。武帝用之。

但巴

但音丹。漢濟陰太守。國朝有但士悅。長壽人。祖友賢沒。仕悅以嫡孫承重。旣葬廬墓。二年。按察使彭公韶表之。

冠先

宋人以釣魚爲業。居睢水旁百餘年。得魚或放或賣。或自食之。常着冠帶。好種荔枝。食其葩實焉。宋景公問其道。不告。卽殺之。

後數十年。踞宋城門鼓琴。數十日乃去。

干長

劉向別錄。干長。平陰人。著天下忠臣九篇。又晉有干寶。字令升。著晉紀二十卷。咸稱良史。作搜神記三卷。以示劉惔。惔曰。卿可謂鬼之董狐。仕晉爲始安太守。

邢子

周時人。居蜀好道。往來蜀山百餘年。

寬徹

漢陽人。洪武進士。使西域。

檀道鸞

字晉安。撰續晉陽秋二十卷。宋有檀固。上書言朝廷罷呂大防。蘇轍。范純仁。而用章惇。曾布。蔡卞。去三賢而進三凶。書奏報罷。

官鑑

宋人朱文公石鼓書院記云。蘇侯栩官侯鑑。皆齎金幣割公田以佐其役。

鸞徼

呂覽趙簡子沈鸞徼於河。曰。吾嘗好聲色而鸞徼致之。吾嘗好宮室臺榭而鸞徼爲之。吾嘗好良馬善御而鸞徼來之。今吾好

士六年矣而未嘗進一人不祛之何待。

觀射父

楚大夫能作訓辭對楚昭王詳言重黎之事。備載國語。又觀丁父。郟人。楚軍師。

黻授

漢黻授。漁陽人。字仲華。見海西先賢傳。黻音鑽。

寒朗

漢博士寒朗。魯國薛人。字伯奇。舉孝廉。章帝時考察楚獄。出無辜者千餘人。累遷至太尉。

管時中

湖廣人。洪武進士。授西充知縣。勸課農桑。作興士類。民有去後之思。歷官布政使。

簡忌

漢書淮南王長。廢先帝法。居處無度。出入擬於天子。大夫但士開章等。與棘蒲侯太子奇謀反。遣人使閩越及匈奴四路徵兵。吏覺知。使長安尉往捕開章。長匿不予。與故中尉簡忌謀殺以閉口。為棺槨衣衾葬之。肥陵邑。簡音姦。

環淵

道家有環淵上下篇。其後有環濟著書名要略。凡十卷。

奇姓通卷一終



